

izazov

U društvima koja se suočavaju sa političkom tranzicijom ili post-konfliktnim pomirenjem i izgradnjom, neizvjesnost o sudbini nestalih osoba često predstavlja prepreku mirovnim procesima i potpunoj implementaciji vladavine zakona, te slabi povjerenje u demokratske i političke institucije. Rješavanje sudbine nestalih osoba je problem od ključnog političkog značaja koji je integralan za razvoj efektivnih, odgovornih i pravednih institucija.

mandat

ICMP se trudi da obezbijedi saradnju vlada i drugih organa vlasti pri lociranju i identifikovanju osoba nestalih tokom oružanih sukoba, drugih neprijateljskih dejstava ili kršenja ljudskih prava, te da im pruži pomoć pri sprovođenju ovih aktivnosti. ICMP takođe podržava rad drugih organizacija u njihovim aktivnostima, podstiče uključivanje javnosti u ove napore i doprinosi razvijanju odgovarajućih oblika komemoracije i poštovanja prema nestalim osobama.

diljem svijeta

ICMP, sa trenutnim sjedištem u Bosni i Hercegovini, gradu Sarajevu, angažiran je na prostoru Zapadnog Balkana, Bliskog Istoka, Latinske Amerike i Jugoistočne Azije. Osim što pomaže državama koje se suočavaju sa problemom nestalih usljed kršenja ljudskih prava, ICMP pruža pomoć i u slučajevima katastrofa, tako da smo u posljednje vrijeme bili angažirani na Filipinima nakon tajfuna *Frank*, u regijama Jugoistočne Azije koje su pogođene cunamijem i u američkoj državi Louisiani nakon uragana *Katrina*.

tehnička pomoć

ICMP pruža vladama tehničku pomoć pri lociranju i identifikovanju nestalih osoba, što uključuje i upotrebu visoko sofisticirane opreme za analizu DNK i forenzičku podršku u oblastima arheologije i antropologije. ICMP obezbjeđuje ovakvu tehničku pomoć na osnovi ugovora koji se potpisuju sa vladama domaćinima ili organizacijama koje traže podršku ICMP-a. Uspjeh koji je ICMP postigao u razvijanju integrisanog naučnog pristupa rješavanju problema nestalih osoba učinio ga je liderom u primjeni forenzičkih nauka u službi istine i pravde. ICMP je korištenjem metoda za analizu DNK postigao preko 16. 400 identifikacija od novembra 2001. godine do danas.

izgradnja kapaciteta

ICMP pruža pomoć vladama u ispunjavanju njihovih zakonskih obaveza vezanih za problem nestalih osoba i doprinosi izgradnji institucionalnih kapaciteta. ICMP doprinosi razvoju tranzicione pravde, obezbjeđuje zakondavnu podršku, te unapređuje kapaciteta specijalizovanih ad-hoc tijela, kao i institucija iz sektora pravde, uključujući tužioce, sudije, policiju i forenzičke stručnjake. ICMP takođe podržava razvoj mreža organizacija građanskog društva koje zagovaraju istinu, pravdu i prava članova porodica nestalih osoba.

pomoć sudovima

ICMP ispunjava zahtjeve za dokumentacijom i stručnim izvještajima međunarodnih i domaćih sudova po pitanjima vezanim za ratne zločine, zločine protiv čovječnosti, genocide i druge zločine po međunarodnom pravu, u skladu sa pravilima zaštite podataka i drugim zaštitnim mjerama ICMP-evih politika.

istorijat

ICMP je osnovan na inicijativu američkog predsjednika Bill Clintona 1996. godine, nakon samita G-7 zemalja održanog u Lionu, Francuska. Prvi Predsjedavajući ICMP-a je bio bivši američki državni sekretar Cyrus Vance, a naslijedio ga je američki senator Bob Dole. Aktuelni predsjedavajući ICMP-a je James V. Kimsey.

komesari

James V. Kimsey, predsjedavajući, Predsjednik Fondacije Kimsey
 Willem Kok, bivši premijer Holandije
 Njeno Visočanstvo Kraljica Noor
 Visoko uvaženi Michael Portillo, bivši minister odbrane Ujedinjenog Kraljevstva
 Ambasador Rolf Ekéus, Visoki komesar OSCE-a za nacionalne manjine
 Carolina Barco, ambasadorica Kolumbije u Sjedinjenim Američkim Državama

finansiranje

ICMP se finansira kroz dobrovoljne priloge, donacije i doprinose vlada Kanade, Danske, Finske, Francuske, Njemačke, Grčke, Svete Stolicе, Islanda, Irske, Italije, Nizozemske, Poljske, Norveške, Švedske, Švajcarske, Velike Britanije, Sjedinjenih Američkih Država i Evropske Unije. Fondacija Charles Stewart Mott finansira specijalni projekat.



ICMP
 Alipašina 45a
 71000 Sarajevo
 Bosnia and Herzegovina
 Phone:
 +387 (0) 33 21 86 60
 Fax:
 +387 (0) 33 203 297
 E-mail: icmp@ic-mp.org
 Web: www.ic-mp.org